

板貞治

禪林類聚
十八

禪林類聚卷第十八

雍熙禪寺侍嗣祖立道泰天齋禪寺首座空上者境信不

糧食
五味

糧食

齋粥
茶湯

餠餅
蔬菜

五祖忍大師因詣碓坊問六祖云米白也不云白也未有
筭師於碓以杖三擊之六祖即至三鼓入室空受衣鉢
牛頭融禪師因徒眾乏食師往丹陽緣化去山八十里躬
負米一石八斗朝往暮還供僧三百二時不缺
麻谷徹禪師同南泉二三人雲遊擬謁徑山途中遇一婆
子時方收稻次師乃問云徑山路向甚麼處去婆云直
去師云前頭水深過得不婆云不濕脚師又問上界橋得



恁麼好下岸稻得恁麼怯婆云下岸稻總被螞蟻食却也
師云太香生婆云勿氣息

濛溪禪師嘗問僧甚處來云定州來師云定州近日有甚
奇特事云某甲且過只聞鹽貴米賤苦無奇特事師云我
這裏也只如此麤粥淡飯與僧別無奇特事你又來這裏
覓箇甚麼僧云某甲不會乞師慈悲師云賴你不會若會
我即輸汝一半道理首座晚間上問云和尚適來勘僧爲
甚麼道輸汝一半道理師云賴得汝舉老僧洎合忘却首
座云請和尚爲某甲說師云你即忘前失後我又忘後失
前首座方去師喚轉云恰不得舉著近日師僧只說鹽貴
米賤並不將佛法爲事忽然頻頻舉著喪却你性命不難
馮山祐禪師問仰山從何處歸仰云田中歸師云禾好刈

也未仰云好刈也師云作青見作黃見作不青不黃見仰
云和尚背後是甚麼師云子還見麼仰拈起禾穗云和尚
何曾問這箇師云此是鴉王擇乳

趙州諗禪師僧問黑豈未生芽時如何師云好合醬

神鼎諍云神鼎即不然若問黑豈未生芽時如何向伊
道堪作甚麼乃有頌云黑豈未生前誰道好合醬本色
衲僧聞堪是甚模樣垂嶽頭倒卓須彌脚直上莫言無
法用看取這相狀乃云古人與麼道神鼎與麼頌且道
違古人順古人還會麼合醬也不中是甚麼道理了取
始得珍重

黃蘗運禪師一日普請鋤意穀次臨濟在後行師回頭見
濟空手乃問鑿頭在甚麼處濟云有人將去了也師云近

前來共汝商量濟近前又手師豎起鐵頭云只這箇天下人拈掇不起還有人拈掇得起麼濟就手掣得豎起云爲甚麼却在義玄手裏師云今日自有人普請便歸院

馮山因仰山侍立次方舉此話未了仰山便問鐵頭在黃蘗手裏爲甚麼被臨濟奪却馮山云賊是小人智過君子

仰山寂禪師因鹽官會下有十數人到馮山不肯伏一日因普請西莊搬禾次師至嶺頭放下後十數人亦到放下師遂舉起禾擔向諸人前行一市云有麻省麼真一行僧並無對師云賺殺人便擔禾去

仰山問僧甚麼處來云幽州師云我恰要幽州信幽州米作麼價云某甲來時無端從他市橋上過踏折他橋梁

保寧勇代云放你三十棒

臨濟玄禪師問院主甚麼來主云州中菜菔米來師云菜得盡不主云菜得盡師以往杖劃一劃云還菜得這箇不主便喝師便打後典座至師舉前話座云院主不會和尚意師云你又作麼生座便禮拜師亦打

黃龍南云院主下喝不可放過典座禮拜放過不可又云臨濟行令歸宗放過二十年後有人說破

白雲端頌云寶劍持來刃似霜幾回臨陣斬蠻王有情有理俱三段一道寒光射斗傍 大馮詰云院主下喝

典座禮拜臨濟令行古今獨邁 正覺述云功德天將黑暗女有智主人俱不取後代兒孫渾莽箇宏綱委地

憑誰舉 佛鑑勸云菜米關梨意氣驕輕如春雪日飄

飄纒方落地人皆愛力不禁風當下消 徑山果云一
堆紅酸且晴空不問金鑰鐵錫銅入裏盡教成米云那
容蚊蚋泊其中

臨濟因黃檗入厨見飯頭乃問作甚麼云揀衆僧米檗云
一日喫多少云二石五檗云莫太多云猶恐少在檗便打
飯頭舉似師師云我與汝勘過這老漢纒去侍次黃檗便
舉前話師云飯頭不會請和尚代一轉語便問莫太多麼
檗云何不道來日更喫一頓師云說甚來日即今便喫道
了便堂檗云這風顛漢又來這裏拚虎鬚師便喝出去

瀉山問仰山此二尊宿意作麼生仰云和尚意作麼生
瀉云養子方知父慈仰云不然瀉云子又作麼生仰云
大似勾賊破家

石霜諸禪師在瀉山作米頭篩米次山云施王物莫拋撒
師云不拋撒山於地上拾得一粒米示師云汝道不拋撒
這箇從甚麼處得來師默然山云莫輕這一粒百千粒盡
從這一粒生師云未審這一粒從甚麼處生瀉山呵呵大
笑歸方丈至晚上堂云大衆米裏有蟲

琅琊覺云瀉山一粒米彈破衲僧牙

睦州蹤禪師問僧甚麼處來僧云江西來師云江西米貴
賤云不曾入鄧師云念你遠來放你三十棒

烏石觀禪師一日因新到來偶引麵次遂引麵示之其僧
便云師晚間照首座今日新到在甚麼處座云當時便云師
云是即是只得一破

雪竇顯云老觀六似失錢遭罪 玄覺云甚麼處是少

一撮 翠巖之云老觀道他只得一撮大似壓良為賤
彼此出家兒

雪峰在禮師示眾云盡大地撮來如粟米粒大拋向面前
擗桶不會打鼓普請看

西院後問雲門云雪峰與麼道還有出頭不得處麼門
云有院云作麼生問云不可總作野狐精見解也又云
狼籍不少 雲峰悅云雖然正上不足我更與你葛藤
葛藤拄杖云還見雪峰麼咄王令稍嚴不許攬行奪市
大滿詰云我更為諸人土上加泥乃舉拄杖云看看雪
峰老人向你諸人面前放屁咄為甚麼屎臭氣也不知
禾山方云隆慶亦不用打鼓但祇恁麼看設使看而示
徹亦乃薰習善種忽若看得徹去始知隆慶老婆心切

然雖如是三十年後不得辜負山僧

雪竇顯頌云牛頭沒馬頭圓音溪鏡裏絕塵埃打鼓看
來君不見百花春至為誰開 白雲端云眉毛罇裏游

南嶽大海波心泛釣舟薄藝隨身終不說從他打鼓看

無休 圓悟勤云疾跛過風奔流度刃唱拍相隨拳踢

相應慕然轟起震天雷百草頭顛春色回 楚安方云

打鼓普請看直得骨毛寒拾得寒山舞笑倒老豐干

雪峰在洞山作飯頭淘米次洞山問淘砂去米淘米去砂

師云砂米一時去山云大衆喫箇甚麼師遂覆却米盆山

云據子因緣合在德山

授子青云大衆洞山恁麼道是甚道理雖然一為乾坤

豈奈山高水闊所以野人云功夫不到不方圓言語不

通非春屬乃代云淘砂去米淘米去砂無影長生三經
霜結子頰大衆喫箇甚麼金鳳採香嚼不盡五

業長新 天童覺云雪峰祇管步步登高不覺草鞋踏

斷若也正偏宛轉敲唱俱行自是言氣相合父子相投

且道洞山不肯雪峰意在甚麼處萬里無雲天有過碧

潭似鏡月難來 琅琦覺云雪峰與麼去人似抛却甜

桃樹沿山摘醋梨

投子頌云滿鉢盛來一物無豈同香積變珍饈日月並

輪長不照木人舞袖向紅爐

洛浦安禪師僧問如何是本來事師云一粒在荒田不耘

苗自秀僧云若一向不耘莫草裏埋沒却也無師云肌骨

黑為三老理終難映

黃山輪禪師因夾山問甚處人師云閩中人山云還識老

僧麼師云和尚還識某甲麼山云不然子且還老僧草鞋

錢老僧然後還子江陵米價師云與麼則不識和尚未審

江陵米作麼價山云真獅子兒善能哮吼

佛鑑勲云且道二老漢還有相識處也無若也相識何

須更問若不相識因甚却問鞋錢米價交加黃山云江

陵米作麼價夾山便贊云真獅子兒善能哮吼意旨如

何於此見得債無陳得便新其或未然江陵米價逐時

增豈鞋錢盡教誰出 大瀉智云啐啄同時師資相投

豈鞋米價彼此相酬有得有失善能哮吼既有得失誰

肯誰休且道那箇全得那箇全失若擇得出許你親見

二七

丹靈渡頌云父子相逢眼倍明靈苗叢叢道然行箇中
若謂金毛子已是盜梅觸大羹

垂角偃禪師因搬米次問僧人擔米米擔人自代云總得
又云搬米辛苦猶是可又問僧大橋有多少米僧云七十
石師拈起拄杖云七十石米一時在拄杖頭上擔將來即
得若擔不得餓殺你自代云不可為小小

雲門因普請搬米了坐次乃云近日不唧留祇擔得一斗
米不如快脫去僧云和尚脫向甚處去師云叟僧擬再問
師云釘釘了乃代云灼然代前語云今日搬米困又云尚
近又因搬米次以拄杖打僧一下云這箇師僧不去搬米
是不僧云搬米入倉了也師云搬米入倉了且置阿誰喫
飯僧便出去師云脫空妄語漢師又拈問僧作麼生免得

不被三家道得脫空妄語自代云為甚麼壓良為賤又云
因一事長一智又代是不處云和尚著甚來由

雲門信問乞師指示今學人頓息昏迷師云襄州米作麼
價

雲門因曬麥次問僧曬了也未僧云了也師云饅頭從你
橫敲豎敲不離這裏道將一句來自代云新麥麵少喫

玄沙偈禪師因普請打麥次忽自倒地叫云阿爺阿爺大
衆近前問和尚安樂麼師云三四百人盡在我肚皮上打
教我豈得安樂

鏡清忘禪師問靈靈之行脚事大乞師指南雲云浙中此米
麼價師云若不是某甲洎作米價會

大瀉云云曾聞鏡清作者果然不類沈常既知不作米

僧會必然深悟指南靈臺只解放去不能收之若不是
某田泊作米價會係又別作麼生會從伊說得
且與後人為軌為範

三角山印禪師僧問如何是三寶師云禾麥豈三學人不
會師云大眾欣然奉持

首山念禪師僧問黑豈未生芽時如何師云萬里崖州君
自去臨行惆悵怨他誰

福昌善禪師問僧近離甚處云大別師云在彼多少時云
三年師云水牯牛使甚麼人作對云不曾觸他一粒米師

云二時喫箇甚麼僧無語師便打
隆壽鄉禪師僧問糧不畜一粒如何濟得萬人飢師云俠

客面前如奪劍看君不是點兒郎

俠 轆 點
ハサム
ワキハサム
カサシ
カサシ
サト

承天高禪師問僧甚處來云潞府師云潞府米作麼價云
和尚試道看師云不解作客勞煩主人庫下喫茶去

石門聰禪師僧問黑豈未生芽時如何師云正與麼云生
芽後如何師云鬼門關外今宵路萬里崖州獨自行

法華舉禪師因殿殿丞入寺遊山行次見粟種遂問黃底
是白底是師云粟成乃令人搓破師云今日遭皮剥成云

也須檢點師云今日失利
五祖演禪師云四五百石麥二三千籮稻好箇休糧方者

婆不得妙

松源岳云五祖老人好語只為探頭太過香山有箇才
便也要諸人共知透得金剛圈細嚼鐵酸餡一飽忘百
飢始信不相賺

靈泉一禪師僧問鎮州蘿蔔即不問廬陵米作麼價師云
可貴可賤云小出大遇也師云君子愛財取之有道云大
衆沾恩師云有人索汝米錢在

虎丘隆禪師僧問雪峰道盡大地撮來如粟米粒大拋向
面前漆桶不會打鼓普請看未審此意如何師云一畝之
地三蛇九鼠云乞師再垂指示師云海口難宣

玉泉璉禪師因月庵舉壺酌放洞山三頓棒話詰之語不
契一日普請檐米至彌陀嶺倦甚去檐噓之忽大悟拊掌
笑云快活快活歸擬白庵庵乃云信吾不賺汝師禮謝

六祖春米觀祖

雪峰送長生糧食觀

青原廬陵米價觀

玄沙云清水白米觀

馮山遊水碓問米熟未觀牛頭供僧穀觀

齋粥

世尊成道後在逝多林中樹下跏趺而坐有二商人以五
百乘車經過林畔有二車牛不肯前進商人乃訝見之山
神報言林中有聖人成道經逾四十九日未食汝當供養
商人入林果見一人端然不動乃問云爲是梵王耶帝釋
耶山神耶河神耶世尊微笑舉袂染角示之商人頂禮遂
陳供養

維摩詰因須菩提持鉢到乃取鉢滿盛香飯謂須菩提云
若能於法等者於食亦等乃至入諸邪見不到彼岸住於
八難不得無難同於煩惱離清淨法汝得無諍三昧一切
衆生亦得是定其施汝者不名福田供養汝者墮三惡道
爲與衆魔同一手作諸勞侶汝與衆魔及諸塵勞等無有

異於一切衆生而有怨心謗諸佛毀於法不入衆數終不滅度汝若如是乃可取食須菩提聞此茫然不知以何答置鉢欲去

道場辯云當時若有箇漢倒拈蝎尾逆捋虎鬚擺手出荆棘林纔見他道謗諸佛毀於法不入衆數乃可取食但對他道賢賢易色事父母能竭其力事君能致其身與朋友交言而有信直饒淨名老人也須倒退三千里十六祖羅睺羅多尊者與僧伽難提說法已即以右手擎金鉢舉至梵宮取彼香飯將齋大衆而大衆忽生厭惡之心祖云非我之咎汝等自業即命難提分坐同食衆復誦之祖云汝不得食皆由此故當知吾分坐者即過去娑羅王如來也愍物降迹汝輩亦莊嚴劫中已至三果而未證

無漏

芙蓉毓禪師一日因行食與龐居士士纔接師便縮手云生心受施淨名早呵去此一機居士還甘不士云當時善現豈不作家師云非關他事士云食到口邊被人奪却師乃下食士云不消一句

佛鑑勸云杓柄在手與奪自由龐公筋挾不上便使匙挑大似奪飢不奪飽然雖恁麼解將冷口喫入熱物底也難得 塗毒策云牢關峻鍵欲挫龐公柰緣多口老公自行活路諸人要識龐公麼詩因試客分題僻基為饒人下箸低

金牛禪師九自做飯供養衆僧每至齋時昇飯桶到僧堂前作舞云菩薩子喫飯來乃拊掌大笑

曹山因僧問古人恁麼是奴兒婢子不山云是云向上
事請師道山咄云這奴兒婢子 長慶稜云大猷因齋
慶讚 大光因僧問長慶道因齋慶讚意旨如何光乃
作舞僧禮拜光云見甚道理便拜僧却作舞光云這野
狐精 東禪齊云古人自出手作飯舞了喚人來喫意
作麼生還會麼只如長慶與大光是明古人意別為他
分折今問上座每日持盂掌鉢時迎來送去時為當與
古之一般別有道理若道別且作麼生得別來若道一
般恰到他舞又被喚作野狐精有會處麼若未會行脚
眼在甚麼處 雪竇顯云雖然如此金牛不是好心
雪竇頌云白雲影裏笑呵呵兩手持來付與他若是金
毛獅子子三千里外見譏訛 佛國白云金牛作事也

奇哉拊掌相招喫飯來若謂因齋成慶讚都盧笑殺老
黃梅 地藏恩云拳中十指展縮自由菩薩喫飯莫笑
金牛有意氣時添意氣不風流也風流 佛眼遠云
長連牀上狐屎屎三聖堂前狗吠春跳出金牛窠窟子
月明照見夜行人 長靈卓云菩薩子喫飯來一喚令
人眼豁開却憶上方曾打鼓親持鐵鉢詣天台

古寺禪師因丹霞至經宿侵晨粥熟行者只盛一鉢與師
又盛一椀自喫殊不顧丹霞遂自去盛粥與行者云五
更侵早起更有夜行人霞乃問師何不教訓行者得恁無
禮師云淨地上不要點污人家男女霞云幾不問過遠者

漢 譙州 南

藥山儼禪師一日齋時自打鼓高沙彌捧鉢作舞入室師

便拋下鼓槌云是第幾和彌云第二和師云如何是第一和彌就桶內舀一杓飯便去

松源岳云停囚長智

汾陽昭頌云一般打鼓并作舞與你諸方事不同歷歷正聲霄漢外且非數目落寰中 雪峰頌云聲鼓拈槌第二籌鉢盛香飯飽還休東風扇後韶光美別岸垂楊弄翠柔 枯木成云父子相投氣味同擎盃打鼓展家風雖然百味般般有爭奈風吹別調中

藥山一日臨齋院主報云打鐘也請和尚上堂師云汝與我擎鉢盃去主云和尚無手來多少時師云汝只是枉披袈裟主云某甲只與麼和尚又如何師云我無這箇眷屬南泉願禪師一日為僧行粥次馬大師問桶裏是甚麼師

云這老漢合取口作恁麼語話

南泉典座辦兩分食詣園管待園頭食時展鉢次忽有念佛鳥鳴園頭乃敲枕頭一下鳥又鳴頭又敲一下鳥既住園頭云會麼座云不會頭又敲一下

丹霞然禪師問僧甚處來云山下來師云喫飯了未云喫飯了也師云將飯與汝喫底人還具眼麼僧無對

長慶問保福云將飯與人喫報恩有分爲甚不具眼福

云施者受者二俱瞎漢慶云盡其機來還成瞎不福云

道我瞎得麼 玄覺徵云且道長慶明丹霞意爲復自

用家財 汾陽昭代云若不上山爭識丹霞 芭蕉嫩

云各具一得一失又代僧云爭不足讓有餘又代雲云

施受俱無利益 保寧勇代云今日被和尚勘破 應

庵華云丹霞既已龍頭蛇尾長慶保福口得將錯就錯
雖然一二老宿要且不知這僧落處具擇法眼試請辨
看

雪竇顯頌云書機不成瞎按牛頭喫草四七二三諸祖
師寶器持來成過各過各深無處尋天上人間同塵沉
百丈海禪師謂眾云有一人長不喫飯不道飢有一人終
日喫飯不道飽眾皆無對

鶴林素禪師一日有屠者禮謁願就所烹辦供師然然而
往眾皆訝之師云佛性平等賢愚一致但可食肉不可食
之復何差別之有

雲巖義禪師因裴大夫問僧只如供養佛供遠與不信云
如大夫奈家神裝舉似師師代云有幾般飯食但一時下

來師却問神山一時下來後作麼生神山云合取鉢盂師
然之

趙州詭禪師僧問學人乍入叢林乞師指示師云莫動了
也未云動了師云洗鉢盂去其僧因之契悟

雲巖云三道有指示無指示若言有趙州向住道箇言
麼若言無這僧為甚悟去 雪竇顯頌云我不似雲巖為

蛇言是直言向爾道問者如蟲蝕木卷者得爾成文然
雖與麼瞎却衲僧眼作麼生免得此過語仁者要會麼

還爾趙州喫粥未拈却這僧喫粥了雪竇顯頌云在板子
歸堂 雲巖悅云雲巖與麼道大似為黃頭我豈與麼

畫定若是雲峰刺不然這僧道於此悟去入地獄交前
射 保寧勇代云恩大難酬

泉大道頌云牀窄先卧粥稀後坐二齋齋齋齋齋齋齋
要會趙州洗鉢孟了事沙彌消一箇 云云云云云
尋常洗鉢孟本何依樣畫葫蘆靈光洞徹河沙界是則
名為大文夫 佛陀遂云粥了令教洗鉢孟孟心在往
更心籠直繞到此分明了也是平生不文夫 云云云智
云趙州喫粥話尋常問禪客心若不負人面上無情已
白雲端云梅花落盡杏花披未免春風著出機一氣不
言言有象萬靈何處謝無私 三祖云云云入叢林俾
一問鉢孟洗却更何疑從前官路無迂曲底事遊人不
見歸 湛堂準云之立者也衲僧鼻孔大頭向下禪人
若也不會問取東村王大姐 護國圓云推窮物理成
家計會合時機便識心多謝春風無厚薄貧家桃李也

成陰

趙州上堂云兄弟莫又立有重商量無事向衣鉢下坐窮
理好老僧行脚時除二時齋粥是雜用心處外更無別用
心處也若不如出家大遠在

雪堂行云今朝六月日行者擊鼓長老陞堂你請人總
來這裏雜用心

趙州因新羅院主請齋師到門首不問此是甚麼院云新
羅師云我與你隔海

普化禪師與臨濟在施主家齋濟問毛吞巨海芥納須彌
為復是神通妙用為復是法爾自然師遂擲倒飯鉢濟云
太齋生師云這裏具其所在說兼說細濟云云明日又同
一家齋濟問今日供養何似昨日師又擲倒飯鉢濟云

大龜生師云時漢佛法說甚為細濟六吐舌

至寶不酬價半知真假不是臨濟不能驗得普化不是

普化不能抗他臨濟所謂如水入水如金博金雖然如

是放過則彼此作家檢點則二俱失利 南堂靜云此

二尊宿如二龍至珠拳至履露不動波瀾如二虎至拳

活捉生擒不傷物命今夜或有人問大隋道毛吞巨海

亦網須彌為復是神通妙用法爾如然只向道不見先

師翁有言一拳拳倒黃鶴樓一趨趨翻鸚鵡洲有意氣

時添意氣不風流處也風流 應產華云一出沒一

姓一來猛虎口裏奪餐善蛇頭上指洋要且未稱大丈

名

夫事在二老各諱字由價重當時光孝今日三可謹密

三寸二俱放過為他弄假像其二俱不放過為他益益

太甚是汝語人若作佛法商量遠磨一宗掃土而盡

上方益頌云蘭着保養不尋常兩度遭任越飲肺總似

這般無增漢將何因果利存亡 海印信云要識真金

須入火再三煅煉見精麗上行買賣不饒讓好物從來
價自殊 野軒傳云相逢一聽一處生齋主渾家喪膽
驚誰識二尊龍象駕屍盧頂上等閑行
馮山祐禪師一日見劉鐵磨來師云老特牛汝來也磨云
來云臺山大會齋和尚遠去磨師乃放身作卧勢磨便出
去
保寧寺代麻石云請和尚來口早起 水庵二云眾中道

放身便卧是不去劉鐵磨遂憐憫而行有言交涉殊不
知馮山之老漢平生一條鐵脊染抄不由被劉鐵磨一推
推倒直至而今起不得若要共起馮山請大家下一轉
語要無對師以往杖一時起散

雲寶纒繞三會騎鐵馬入重劫劫下傳聞六國清猶症
金轆問歸客夜深誰共御街行 二童覺云言戰功成

老太平優待誰肯苦坐漁三轆金馬悶終日明月清風
富一生 無盡居三云之特牛來到此問明朝大會云

臺山白雲一曲知音少樵唱漁歌自往還

甘費行者因入南泉設粥仍請南泉念誦泉乃白槌云為
狸奴白牯念摩訶般若波羅蜜多者拂袖便去泉粥後問
典座行者在甚處座云當時便去也泉云打破鍋子著云

泉乃擊
鐵三下

汾陽昭頌云一般設粥古今稀十利功圓果不低錫鑊

盡穿無資粒叢林遠近總應知 慈明圓云甘費設粥
詣南泉請師念誦戒僧前狸奴典座言歸去當時錫鑊

一時穿 雪峰預云異路相逢句已酬閑吹羌笛同汀
洲漁人貪顧沙頭鷺不覺扁舟逐浪流 無盡居三云

財施無窮法施多為他狸牯念摩訶無端甘費低頭拜
撩發南泉打破鍋 湛堂準云高吟大笑性猖狂潘阆

騎驢出故鄉驚起暮天沙上鴈海明斜去兩三行 經
小泉云南泉打破閑家具浩浩諸方作話看今日為三

重舉過明明歷歷不顛顛

金州孫禪師因請米和尚齋不排坐位米纔到乃長坐具

作禮師下禪牀米遂就師位而坐師却席地而坐齋罷米
便去侍者問云和尚受一切人欽仰今日坐位却被人奪
却師云三日後若來即受放在米果三日後來云前日遭
賊一本

鏡清因信問古人遺戒意旨如何清云只見鍾頭利不
見鑿金頭分

大隋真禪師僧問生死到來時如何師云遇茶與茶遇飯
與飯云誰受供養師云今取鉢盂

臨濟玄禪師因入軍營起齋門首見負擔師指雲云問是
几是聖負擔無語師乃露柱云直饒道得也祇是箇木樵
便入去

投子向禮師在京口住一禮越家投齋禮越得一盤草安

師前師以兩手作拳安頭上禮越便將飯出後有僧問師
在京投齋意旨如何師云觀世音菩薩

睦州蹤禪師因赴齋回有僧就師乞喚錢師云走齋得三
十文僧云便請師云施者雖無厭受者應知足

睦州因齋次有俗官問請師施食師云三德六牙施佛及
僧此快將來老僧要與俗官云請和尚施財師云男子
施財和尚施法先到老僧後到佛

睦州問僧云麼處來云江西來師云還有不與飯麼云
有師云這箇是鐘飯底又問僧甚麼處來云齋來師云將

囉錢來云和尚欠心甚麼師云蝦蟆叫又問僧甚麼處來云
齋來師云施主還具眼麼云某甲寐過師云你云麼隨
我僧無語又問僧甚麼處來云齋來師云將甚麼奉答施

主云不用更言師云以不當兩云此是和尚分上事師云
叫吐日放你三十棒

石梯禮師一日見侍者托鉢上堂乃喚侍者考應語師云
甚處去者云上堂齋去師云汝豈不知汝上堂齋云者云
除此外別道箇甚麼師云我祇問汝本分事者云石問本
分事某甲實是上堂齋去師云汝不謬為吾侍者

圓悟勤云我心匪石不可轉我心匪席不可捲綿綿不
漏一絲毫佛法世法同箇眼此猶是養子之緣若使盡
令而行待他道若問本分事某甲實是上堂齋去劈脊
便打何故卧龍須奮迅丹鳳亦翱翔 天童覺云放過
即不可交今直與搖得鼻孔痛一得骨頭出始得免見
瞎驢趁大隊所以道平地上死人無數透得荆棘林是

好手且道適來這僧透得也未多虛不如少實

德山鑿禪師因三聖來參師云不用展炊單這裏無殘羹
餽飯聖云設有向其麼處著師便打聖接住棒堆放牀上
師撫掌一下聖將坐具蓋却頭喫蒼天出去絃難

琅琊覺云眾中商量極有云云不見道若無樂布作爭
得見韓光一圓悟勤云二俱勝捷蓋各各善奪設攪旗
二俱失利彼此傷鋒犯手大似把手上高山不免傍觀
者晒敢問大眾誰是傍觀者 古德云殘羹餽飯無處
安著換手樞曾劈頭蓋却兩箇無孔鐵鎚一樣無繩自

縲
該山水頌云南北山相對東西有路分不經場墮者爭
見空將單

雪峰在禪師在洞山作飯頭蒸飯次山問今日蒸多少師
云二石山云莫不足麼師云於中有一不與者山云忽然
喫又作麼生師無對

先雲居代云總喫即不見有不足者

雪峰在洞山作飯頭每晨出曉色未分時大家便喫
山問云你作麼生常候得此時師喫粥師云瞻星望月山
云忽遇雲霧紛擾又作麼生師無對

疎山仁禪師問僧某處來云雪峰來師云我已前到那處
事不足如今是也未云也今是也師云粥足飯足信無對

洞山代云粥足飯足 保靈意代云總不欠心

雲居禪師僧問香積之飯甚麼人得喫師云須知得喫
之人入口也須袂出

魏府大覺禪師信問一飽忘百飢時如何師云縱過臨
食隨分喫此

灌溪開禪師住院後上堂云我在臨濟會處得半杓飯
末山嬾嬾處得半杓粥共成一杓喫了直至如今飽飽
談空禪師信問一飽忘百飢時如何師云貪兒遇飽
太原隱禪師信問數家檀越請未審是誰家師云月應二

江水明明盡有僧

丹霞渡漢云妙國無相劫前人隨類權分百億身三不

德運繞飛曉平明六國盡知春

龍泉喜禪師在仰山充兵座一日有異僧就求齋食師戒
已分饋之仰預知師云道又來位人汝給食不師云驀已
廻施你云汝大利益

蓋嚴靜禪師信明六年設天王齋求勝賊軍亦設三三齋
永勝不審天王赴阿誰願師云天垂雨露六棟榮枯
雲門張禪師信問如何是塵塵三昧師云鉢裏飯福裏水
雲竇實顯頌云鉢裏飯福裏水多口河師難下此言此言
星位不殊白浪滔天平地定擬不擬止不止箇箇無根
長者子 白雲端云朝打三千未為多暮打八百未為
少鉢裏飯方桶裏水人前切忌無分曉 天皇覺云塵
塵三昧彼彼不外千峰句嶽百川赴海更無一法不如
來只箇堂堂觀自在

雲明因齋次問僧爨受飯裏飯受羹裏過在甚麼處道得
別有商量僧無對師代云好羹好飯又云不可道和尚蝦
蟇窟裏又一日入堂齋次指聖僧供鉢問僧云你若喫盡

又在解脫深坑裏你若喫不盡又不唧啣作麼生自代云
大眾喫飯次又因齋次拈起匙筋云我不供養南僧祇供
養北僧時有僧問為甚麼不供養南僧師云我要鉢置伊
云為甚麼祇供養北僧師云一筭兩槩有僧拈問祇如前
意作麼生師云好即同榮又因齋次問僧你道鉢盂裏多
少飯僧無語師代云野又云飽便休又云一杓兩杓
雲爾僧問施王設齋將何報答師云量才補取僧云不會
師云不會即喫飯

雲爾云燈籠是你自己把鉢盂啣飯不是你自己有僧便
問飯是自己時如何師云這野狐精三家村裏漢復云來
來不是你道飯是自己僧云是師云驢年夢見三家村裏
漢

徑山杲云用盡自己心笑破他人口

雲門到庫下見一僧乃問作甚麼僧云設供師云你是甚麼人云某處人師喚典座與這僧設却供

大滌喆云雲門一期慈悲却成多事當時便回去免見掛後人唇齒良久云若不登樓望焉知滄海深

雲南僧問不離三德六味還有佛法也無師云祇怕你不問僧云請師道師云三德六味施佛及僧

應庵華云雲南不負這僧來問未免落在陷穽中是你諸人若向這裏會得許你高步毘盧頂

越山鼎禪師初謁雪峰於道染指後因闍王請師於清風樓上齋坐次舉頭忽見日光豁然大悟作偈云清風樓上赴官齋此日平生眼豁開方信普通年遠事不從慈嶺帶

將來

玄沙偈禪師因雪峰垂語云飯籬邊坐餓死漢臨河渴死

漢師云飯籬裏坐餓死漢水裏沒頭浸渴死漢

雲門云通身是飯通身是水 徑山杲舉二人語了唱

云多甯阿師可殺忍俊不禁通身是飯通身是水那裏得道消息來 天童覺云我則不然飯籬裏坐脹殺人

無數海水沒頭浸殺人無數以前傷平不吞以後失平不吐祇如雲門道通身是飯通身是水到這裏無你吞

吐處

保福展禪師見僧喫飯乃托鉢云家常僧云和尚是甚麼心行

陳操尚書齋僧次乃自行食僧方展手陳却縮手僧無對

陳云果然

保寧勇代僧但覆却鉢盂

陳尚書又齋僧次亦自行食至首座前云請施食座云三德六味陳云錯

保寧勇代便將鉢盂受食

地藏琛禪師僧問如何是沙門正命食師云喫得麼云欲喫此食作何方便師云塞却你口

承天權禪師僧問賓頭盧為甚麼日赴萬家齋師云路隔千條水門對萬重山云為是請來不請而來師云隨影着頭不見面

歸宗權禪師僧問盡身供養時如何師云將得甚麼來云所有不惜師云拱養甚麼人僧無語

明招謙禪師到招慶有度上座問云羅山尋常道諸方盡是麩飯唯有羅山是一味白飯兄從羅山來乃展手云白飯請此字師打兩掌度云將謂是白飯元來也是麩飯師云癡人棒打不死度至夜間舉似諸禪客次師近前云不審度云今日便是這箇上座下兩掌有瑠上座云不用下掌就裏許作麼生道師云就裏許也道道瑠無對師云是汝諸人一時縛作一束倒卓向屎躡下明日相見珍重

密庵傑云尋常向諸人道終日在洪波浩渺中舀水相潑渾身無一點濕是他明踏這些子自然用出來閑閑地惜乎鋒頭少銳引得許多葛藤若是華藏見他道將謂是白飯元來也是麩飯連腮更與兩掌且教這僧疑

三十年

雲竇顯禪師到太湖有余巡檢請師并志依上座齋臨起
余問單官今日命二衲僧齋得何果報師云圖他一粒米
失却半年糧依云臨行方覺主人寬師召舍人余擡頭師
乃指依上座云塚根納子齋他有甚利益巡檢大笑師便
起去

龍光禪師僧問賓頭盧一身為甚麼赴四天供師云于江
同一月萬戶盡逢春師有偈云龍光山頂寶月輪照耀乾
坤燦暗雲尊者不移元一質于江影現萬家春

宋仁宗帝請言法華齋現帝門

朱行置齋僧現帝門

成尚書送供入雲居現帝門

李駙馬盛陳香供現帝門

米君同保壽赴州主齋現帝門

牛頭粟米飯現帝門

南泉作務令僧送飯現帝門

巖頭受張四郎家供養現帝門

興化赴箇村齋現帝門

甘贄齋僧請首座施財現帝門

克賓維那罰饋飯出院現帝門

慈明執爨婆子煮粥現帝門

尼入承天設齋現帝門

阿育王請賓頭盧齋現帝門

座主請翠巖齋現帝門

雲門文德殿赴齋現帝門

右侯	志諸	永春	梵微	妙齋	壽正	良薰
梵苑	昌濡	如忠	中毅	中言	等衷	元謀
中福	周復	昌瑞	道宗	自能	昌隨	宗鐸
昌建	梵省	周楨	中立	昌宗	良順	昌健
元鑒	元信	良清	良秀	良倫	良孫	昌貞
周恢	常圭	周愚	理秀	良恭	元禮	元摸
淨慧	友照	寶彝	梵伊	心頊	昌珎	中倫
明輝	梵綱	右昊	權芳	集文	昌仁	中端
宗曩	梵津	周春	燈齋	昌秀	建孝	明又
中照	慶印	中益	中坦	中鐸	興聖	中柔
慈光	妙曷	中璜	中存	中慎	昌寅	昌倫

助緣各伍拾文

餠餅

天皇悟禪師因龍潭未出家時家為餅鋪任在寺前每日常供餅十枚上師師受已却留一餅與之云惠汝以蔭子孫潭云是其甲將死何以返云惠汝師云是汝將來復汝何咎潭因有悟入遂沒出家

汾陽昭頌云將去將來事不差龍潭固問勿交加後徒多少爭唇吻春鳥喃喃罵落花 白雲端云十餅每回留一箇因思何謂蔭兒孫團團將去還將入不覺醍醐到頂門 佛國白云南嶽山頭見石頭便歸古岸狎沙鷗謾分餠餅為香餌引得金龍上直鉤 趙州論禪師到投子處對坐齋次投子將蒸餅與師喫師云不喫不久沙彌下餠餅與師師接得餅却禮沙彌三拜

投子默然

臨濟玄禪師一日拈餅示洛浦云萬種千般不離這箇

其理不二浦云如何是不二之理師再拈起餅示之浦云

與麼則萬種千般也師云局屎見解浦云羅公照鏡穢

問端長老

大瀉詰云臨濟和尚便風帆掛洛浦鼓掉揚波然雖如

是臨濟門下則得瀉山門下不得

德山鑒禪師檐青龍疏鈔出蜀時及中路遇一賣餅婆子

師放下疏鈔問婆云買餅點心婆歛手云上座檐者是何

文字師云青龍疏鈔婆云講何經師云金剛經婆云婆有

一問上座若道得捨餅充點心師云便請婆云經中道過

去心不可得現在心不可得未來心不可得上座鼎鼎是

點那箇心師無對婆乃指師見龍潭

睦州跳禪師一日見僧行餠餅次乃云行箇甚麼云餠餅

師云這俗漢

保福展云睦州也好低聲

睦州問僧正正應諾師云講唯識論麼正云不敢少年曾

讀文字來師拈起糖餅擘破作兩片云你作麼生正無語

師云喚作糖餅是不喚作糖餅是正云不可不喚作糖餅

師却喚沙彌來來你喚作甚麼彌云糖餅師云你也講得

唯識論

徑山杲云僧正與沙彌真實講得唯識論只是不知糖

餅來處睦州老人雖是一方善知識若是三界唯心萬

法唯識畢竟理會不得

金峰志禪師一日上堂喫餠餅次乃拈一箇從上座板頭轉一币大眾見一一合掌師云假饒十分擡起手也只得一半至晚間有僧請益云今日和尚行餠餅見眾僧合掌却云假饒十分擡起手也只得一半請和尚全道師以手作拈起餅勢云會麼云不會師云金峰也始道得一半

圓悟勤云金峰老作神通遊戲不妨殊有可觀及至這僧請益直得分踈不下却成蝦跳去還委悉麼藤纏葫蘆猶自可却被胡蘆倒纏藤

雪峰存禪師因喫飯次問僧喫箇甚麼僧無對傍僧問師這僧喫箇甚麼師舉起餠餅旋一轉却問僧是汝舌頭還痛麼

崇壽禪師見僧做餠餅次乃隔牕問云你還見我麼僧云

不見師云還我餠餅錢來僧無語

雲門代云和尚禮拜餠餅好

翠巖參禪師因有座主就華嚴講下請師齋師云山僧有箇問若道得即齋乃拈起餠餅云還具法身麼主云具師云與麼則與法身也主無對本講座主代云有甚麼過師不肯

雲門代云特謝和尚降重空筵

雲門偈禮師云家云聞聲悟道見色明心作麼生是聞聲悟道見色明心乃云觀世音菩薩將錢來買餠餅放下手元來却是饅頭

一五禮演云雲門好則甚好奇則甚奇要且只說得老婆禮云是云雲師不惹作麼生是聞聲悟道見色明心遂

作打之義勢云朔八禮 松源云云治父有條治路
要與諸人共行拈拄杖云穿入諸人鼻孔裏燈籠露柱
直得眼睛突出卓拄杖一下

上方益頌云真得欣欣急走歸不知放手却成非直饒
超過昆盧頂也落影陽第二機 慈受深云小院春風

將地冥住人寂寞何欄干斷腸曲調無人聽更把琵琶
月下彈 南堂靜云桃花枝上一鴛啼淚水溪邊路不

迷習云分明非耳目休將情解論曹溪 鼓山珙云南
無觀世音菩薩補陀巖上紅蓮舌不知成佛是何時打

二刀須是奔州鐵 徑山杲云見色明心事已差聞聲悟
道更交加觀音妙智慈悲刀荆棘林生優鉢花

雲明因齋次蒸餠餅一盃云齋者帝釋鼻先帝釋嘗痛復

以拄杖指云在佛諸人脚跟下變作釋迦老子且麼見麼
關三圖說呵呵大笑云這箇師僧相當云不奈你何若
不在當總在我手裏

雲明因借問如何是超佛越祖之談師云餠餅

五祖演云白雲即不然忽有人問如何是超佛越祖之
談只向伊道驢屎似馬糞又云破草鞋又云靈龜曳尾

且道是同是別試辨看

雲明與頌頌云超談揮客問偏多縫罅披離見也麼胡餅
起來猶不住至今天下有請說 雲居祐云韶陽胡餅

香禪人佛祖之談道最親不落言詮休擬議回頭識取
自家珍 文殊道云堪悲堪笑老韶陽餠餅拈來撲鼻

香瑞的若知滋味者不勝滿面負慚惶 道場如云駕

空欲上九重霄脚下紅絲繫轉牢賴是龍泉未出匣且
施一割用鋸刀 佛燈珣云雲門餠餅對起談多少禪
人看不穿若是孔明真弟子自然知道化三千

雲明因齋次問僧你是甚處人云淮南人又問一僧你是
甚處人云京兆人師拈起蒸餅云我也無可到你淮南人
也無可到你京兆人二僧無對師遂拈蒸餅剎轉云我惜
你作麼生又無對師代云不是和尚惜代前語云普同供
養又云且留供養和尚

雲明因齋次問僧與得幾個餠餅云與得四個師云你為
甚麼鼻孔裏只有一莖毛僧無對師云脫空妄語乃代前
語云直須慎初又須護末又問一僧完圖餅角子即不要
你坐截底把將來僧應諾師云這箇是完圖底把將來師

復代云齋與不齋當來無礙又云檀越所修福

雲門因齋次拈起餠餅云我祇供養江西兩浙人不供養
向北人僧云為甚麼祇供養江西兩浙人不供養向北人
師云天寒日短兩人共一梳

龍華本云帝陵老漢言中有響痛處著鎗檢點將來翻
成毒藥諸人要會麼半在河南半河北一片虛凝如墨
黑冷地思量怒殺人正耐雲門這老賊賊賊下座莫不

巡堂

雲門一日問明教今日與得幾個餠餅教云五箇師云

在裏得幾箇自教云請和尚茶堂裏與云

授子青頰云

為人須是徹方知茶味醉人愁 正覺送二巡陽門下

三美明真成之文
一應三

五祖鐵鼓錫鬚

南吳吳江卷

命道遠書治卷

仙山目香慶作餅

五味

馬祖一禪師始匡徒曰大意遣一僧去信匿堂乃出問作
廢生看伊道甚言句詎來來僧去一如所教迴云馬大師
道自從胡亂後三十年不曾少鹽醬大意然之

徑山吳云空門即不然夜夢不祥書臨大吉又頌云見
得分明識得親舉來猶自步途程直饒不犯三番者也
是若金錢若人 鼓山瑤頌云胡亂三十年不少鹽與
醬江西四馬大師南燕議和尚

百文海禪師因馬祖令人馳書與普二禪與師師令禪向
法堂前乃上堂衆纔集師以拄杖指堂上道得箇不打
破衆無言師便打破歸方丈

雲巖最禪師初參藥山山院甚麼處來師云百丈來山云

百丈有何言句師云有時云一白三百味是足山云鹹即鹹味淡即淡味不鹹不淡是常味作麼生是百味具足底句師無對山云坐奈目前生死何師云目前無生死山云二十年在百丈俗氣也不除又問海元更說甚麼法師云有時道三句外省去六句外會取山云二千里外三言沒交涉山又問更說甚麼法師云有時上堂了大眾下堂次復召大眾衆廻首乃云是甚麼山云何不早恁麼這師於言下有省

投子言頌云行盡千峰路轉高首歸方信舊處是夕會尋古病單于曲聲離胡家一韻長

馮山祐禪師因合贊次問仰山這箇用多少鹽水仰云某甲不會不欲祇對師云却是老僧會仰云不知用多少鹽

水師云汝既不會我亦不答晚間師却問仰山今日因緣子作麼生主持仰云符問即答師云現問次仰云耳背眼昏見聞不曉師云凡有問答出子此語不得仰禮謝師云寂子今日忘前失後不是小小

投子同樞師在桐城縣因趙州問莫便是投子庵主麼師云茶鹽錢布施我來趙州先歸庵晚間見師自攜油回州云久聞投子到來祇見賣油翁師云爾祇識賣油翁且不識投子州云如何是投子師提起油餅云油油

佛鑑意云趙州深年在手投子影草隨身問而相逢彼此平出雖然如是且道塵中相見事如何良久云二月宛然同漢山各有異 南堂靜云趙州作家鐘磬三聲三味若金投子本分錫鉢不克途中受用你諸人還知

二老交處處良久二十年辛苦無人識一日成色天下

知 睦州嚴禪師問僧今日莫得多少鹽醃僧答是參三師云

可借許鹽醋牛欄裏作活計 寶善禪師問僧其處來僧云大容來師云大容近日作麼

生僧云近日來今得一羌醬師乃嘆沙彌將一椀水來莫

道僧照影賦辭 雲居膺禪師因合舊次漏山問作甚麼師云合嘗山云用

多少鹽師云放入山云作何滋味師云得 慶雲寺禪師問僧問法法塵中如何辨主師云銅砂羅裏滴

盛油

洪山元頌云塵中辨主眼分明特地尋方更無請善笑

者婆羅眼眼至今南北絕人行 雲溪云二師砂羅裏

病盛池正具可比盧印後收更有塵中辨得主太平將將

盡三侯 海印信云破瀉天將雨雲開月正明漁翁閉

引釣垂魚一濯星 草堂清云銅砂羅裏油清淨照見

塵白舊主人寄語權流狂參取莫教善負此生身

昔有一僧去參覆船路逢一賣鹽翁僧問覆船路向甚麼

處去翁良久僧又問翁云你患甚那僧云你向我道甚麼

翁云向你道覆船路借云翁莫會禪麼翁云莫道禪佛法

也會善僧云你試試看翁挑起鹽擔云善翁云你喚作甚

麼僧云鹽翁云有甚麼交涉僧云作麼生翁云不可更向

你道甚麼

圓信勸云參須實參見須實見用須實見證須實證這

老翁雖然參見覆船未要且只參德托定底未參得放
行底嘗時這信若是箇漢不消一剎敢問諸人作麼生
是覆船放行底棒頭有眼明知曰

曹山本寂禪師因僧清稅問清稅孤貧請師從濟山喚稅
關黎統應諾師云青源白家三盞酒實了猶道未沾唇

玄覺二甚麼處是與他酒喫 雪竇顯別云統關黎應
諾是甚麼心行 松源岳云統關黎稅引三不知換

得箇聖子曹山雖來風深葉可恨不一等與他本分言
料免致今時向黑山下作活計

佛印元頌云清稅孤貧心太急曹山攜手步身途白家
三盞沾唇酒醉後添盃不似無 地藏恩云青源白家

酒三盞夫沾唇七十二棒且輕恣一百五十難放君

南華易云滿屋黃金不肯親吁嗟甘自怨孤貧無端更
飲三盃酒醉後即當笑殺人

雲門偈禪師因在醋寮大指云這一甕醋得與麼滿那一
甕醋得與麼淺僧云人貧智短馬瘦毛長師大笑而出

雲門因齋次問僧應是從前叢林學得底言語總括却你
道我飯作麼生滋味自代云菜裏少塩醋又一日云商量

舉覺管甚麼自代云塩貴米賤
青峰光禪師僧問久醞蒲萄酒今日為誰開師云飲者不
知

廣德周禪師僧問承教有言阿逸多不斷煩惱不修禪定

佛記此人成佛無疑此理如何師云鹽又盡炭又無三鹽
又盡炭又無時如何師云愁人莫向愁人道向道愁人愁

殺人

寶應顯禪師僧問如何是解脫漿師云金包赤漆罽毼物不

多風穴沼禪師有僧入州取油回值師小參僧出問如何是
寶師云去州取油不易僧云如何是王師云如胡蘆隨後
便打

聖壽吳禪師因有僧問知師父臨蒲蘆酒今朝慈濟為誰
開師云想尔也未知滋味云恁麼則優曇華並法界馨香
佛日初開昏衢永耀師云不恁麼如此

扣冰先古佛手攜麈尾一包器首一器持獻雪峰峰云包中
有物師云是甚峰云何處得來師云泥古得峰云泥深多
少師云無文數峰云還更有麼師云轉深轉有峰又問器

中何物師云將雪峰云何處得來師云自合得峰云還就地
示師云不較多峰異之云子異日必為王者師

神鼎理禪師因僧契嵩至師坐其堂上受其展禮乃指庭
下兩小窠吃云汝來乃其時寺今年始有醬食大明日將
菜一力挾筐取物投僧鉢止嵩脫上下有即問者有置
之自若者高袖之下堂出以觀皆碎餅餌問諸耆老云
此寺自來不煮粥脫有檀越請應供師乃次為撥僧而赴
之祝其攜乾殘者歸納於庫下今磁焙之均而分信以當
麵也

黃檗云唾酒糟漢

蒙溪益貴米賤

金峪金不血滿酌



茶湯 滴茶附

文殊大士與無著喫茶次乃拈起玻璃盞問無著云南方
 還有這箇不著云無文殊云尋常將甚麼喫茶著無對
 洞山代展手云有無且置借取這箇看得不曹山代
 云父承大士按劍為甚麼處在一塵 長慶後代云若
 與麼癡客勸主人 琅琊覺云若也是云可謂虎口裏
 奪餐若也不是去移舟看水勢舉棹別波瀾 保寧勇
 代以手指口

汾陽昭頌云文殊大士托玻璃盞問南方有箇箇無著
 忽言無這箇悞他多少老闍黎至今猶未知端的擡手
 拈茶不用疑 佛印元云南方不可離須更無著因何
 却道無寄語後來禪子道喫茶拈處莫生疎 正覺逸

云自別南方涉路岐嶼茶處處用玻璃如何恰到清涼
手問著元來總不知 佛眼遠云青山門外白雲飛瀑
水溪邊引客歸莫醉坐來頻勸酒自從別後見君稀
歸宗常禪師嘗與南泉同行一日告別煎茶次泉乃云從
前與師兄商量語句彼此已知向後忽有人問畢竟事作
麼生師云這一片田地好草庵泉云草庵且置畢竟事作
麼生師乃趂却茶銑便起泉云師兄喫茶了某甲未喫茶
師云作這箇語話滴水也銷不得南泉休去

五祖戒云南泉只解作客不解作主 大滷醬云南泉
逢強即弱歸宗逢弱即強三十年同行畢竟事不通同
量然雖如是猶較王老師一線道 圓悟勤云驚人之
句誰不諫然有般底道南泉搆他歸宗機鋒不著所以

遭他呵叱殊不知行人要在青山外蔣山不替眉毛與
諸人下箇註脚南泉探頭太過歸宗壁立萬仞其道還
有出身處也無喝下須教三日聾 應庵菴二五祖只
知其一不知其二殊不知南泉貪盃太急歸宗薄盃
穿二老雖共發明馬祖正眼要且極則事未盡見在何
故家住東州

松山禪師因與龐居士喫茶次士舉起橐子云人人盡有
分因甚麼道不得師云祇爲人人盡有所以道不得士云
阿兄爲甚却道得師云不可無言也士云灼灼然然師便
喫茶士云阿兄喫茶何不揖客師云誰士云龐公師云何
須更揖後丹霞聞舉乃云若不是松山泊被箇老翁作亂
上士聞乃令人傳語云何不會取未舉起橐時

佛鑑勲云譬如琴瑟笙簧後雖有妙音若無妙指終不能發松山解吹無孔笛龐老解弄勿絃琴丹霞雖隨聲應拍須知拍拍是令衆中若有會底出來露箇消息也示衆中有人若無各自歸堂 塗毒策云辨爲鑑列端倪須是明眼龐公探竿影草松山不負來機雖然細系分明爭奈傍觀不肯還知麼如人看畫虎暗地長成獍南堂靜頌云不提橐子已前衲子難爲下嘴識得這箇靈苗不向黃泉作鬼不作鬼何准擬一拳拳倒盡鸞樓一趂趂翻大海水

南泉願禪師同魯祖歸三杉山喫茶次魯祖提起茶盞云世界成時便有這箇師云今人祇識這箇不識世界宗云是師云師兄莫同此見麼宗却拈起盞云向世界未成時

道得麼師作掌勢宗以面作承掌勢

圓悟勤云魯祖簸土揚塵南泉和泥合水歸宗小亂灰飛杉山坐觀成敗還委來時箭鋒相直不相饒四人共拈一隻盞 佛燈珣云灼然一條路踏著底便能乾坤上下自在世界內外遊遊等閑竿木隨身便是逢場作戲南泉歸宗雖然好戲一場檢點將來俱不爲好手若入林不動草入水不動波底須知別有一數諸方扶強不扶弱慧日堂無理不黨親輸他杉山只管看却是好手何故相逢自有知音知何必清風動天地

麻谷徹禪師同南泉二三人雲遊擬謂徑山路逢一婆子乃問婆子在甚麼處婆云只在這裏三人乃到婆子店內婆煎茶一餅將盞子三箇安盤上謂云和尚有神這者即

契茶三人相顧無對又不敢傾茶婆云看老和尚目是神通也於是便拈盞傾茶行

長影曠禪師因僧為點茶三巡後僧問不負從上諸聖如何是長髭第一句師云有口不能言云是甚麼有口不能言師乃有頌云石獅子木女兒第一句諸佛機言不得也大奇直下是莫狐疑良以云是第一句第二句信云不二師云見利忘錘猶自多在僧禮拜拈起盞子云直是不負從上諸聖僧云直指人心見性成佛又作麼三師放下盞子便歸方丈僧隨後入師翹起一足云大地不容針汝從何處來僧云直是維摩也緘口不得師云偶爾之間又逢猛虎僧便作虎聲師以拄杖作亞錦勢僧把住云大地不容針何處得這箇來師云不但維摩文殊也緘口

不得僧云若箭虎不可當師與一掌推出方丈

佛鑑勸云古人道相知不在干盃酒一盃清茶也醉人此語不虛你看長髭三巡之後茶灰抹土入盃兒隊中和泥合水如金剛與耐重相撲一起一倒雖然如是你諸人向甚麻處見長髭乃堅起拳作相撲勢云看

則首座因與龐居士摘茶次士問法界不容身師云遠見我不師云不是老僧泊答公託士云有問有答豈是尋常語不對士云莫恠通來容易借問師亦不顧士喝云這無禮儀老漢待我一一舉似明眼人去在師乃拋下茶盞便歸

雪竇顯云則川只解把定封疆不能向空同死當時好與將下幘頭誰敢喚作龐居士 佛鑑勸云兩回不啻

提籃便歸且道旨歸何處還合是苦瓠連根苦瓠瓜微
蒂甜則川老漢經事多矣 大渴智云諸仁者參須參
到這般田地喚作千人隊裏喚不同頭萬口叢中揔他
不動始得穩坐地若不是則川被龐公引入荒草裏便
見忘却摘茶事也 塗毒雲云似海之深如山之固方
能坐致太平龐老雖則播鼓揚旗其奈則川理去掉闍
秖如末後拋下茶籃便歸又作麼生太平甚麼分明在
何必怗怗問別人

保寧勇頌云相逢相識護相邀水碧深深滿斷橋無限
雪辭殊不聽急高門戶更徒勞

石林禪師一日下茶與龐居士繞接師縮至云何似生
士云有口道不得師云須是恁麼始得二拂袖出去云也

大無端師云識得龐公了也士却回首師云也大無端士
無語師云你解無語去

併鑑慧云龐公尋常辯渴懸河因其到這裏無語時
人只見錐頭利幾人能見利頭錐

趙州詵禪師問新到曾到此間麼僧云曾到師云喫茶去
又問一僧僧云不曾到師亦云喫茶去後院主云和尚為
甚曾到也云喫茶去不曾到也云喫茶去師召院主主應
諾師云喫茶去

保福展云趙州慣得其便 鏡清慧舉問僧作麼生會
僧便去清云却取茶去步 達觀穎云有條茶條無條
攀倒乃高登云喫茶去 雪竇顯云這僧不是却取人
為甚麼唐亦若辨得出與汝茶喫

汾陽昭頌云趙州有語與茶去天下衲僧總到來不是
 石橋无底滑喚他多少衲僧面 黃龍言云趙州驢人
 端的處等閑開口便知音觀面若無青白眼六風至得
 到如今 投子青云見僧便問曾到不有言曾到不曾
 來留坐喫茶珍重去青煙暗換綠紗巾 佛國曰云此
 間曾到不曾到入義人情去與茶院主不知滋味好却
 來爭看茶中花 雲蓋智云趙州與茶語自古及至今
 易開終始口難保歲寒心 佛眼遠云趙州一甌茶驗
 盡當行家一期維妙好爭免事如麻
 趙州問僧甚處來僧云摘茶來師云罷
 雲蓋智云道若不著何處道雲蓋智後龍鱗面可驢脚
 身筋斗孤雲野鶴阿呵呵

馮山祐禪師因摘茶謂僧山云終日摘茶口腹不覺
 子形似撼茶樹一下師云二只得其用不得其體師云未
 審和尚如何師良久仰云和尚只得其體不得其用師云
 投子二十棒

首山念云夫為宗師須具擇法眼始得當時不是馮山
 便是扶籬摸壁 琅琊覺云五更侵早起更有夜行人
 又云若不是馮山泊合打破煎州 大瀉若云陽春曰
 雪今古罕聞如今還有同聲相應同氣相求者麼良久
 云唱彌高和彌寡 大瀉智云古人相見互換之機碎
 啄同時體用雙行涉是兼非當時正令若全提方知盡
 餅不充飢遂乃托起拄杖云還會麼良久云家醜不
 可外揚父子體用全彰父子機猶可子壘父機無良

擊禪牀一下 六童學云為山仰山父子之叢林盡

道各得一概殊不知天共白雲澆水和明月流

分陽昭頌云獨奈更莫別思量處處分明是道場體用

共推真應物禪流頰覺雨前香 保寧身云春暖福呼

出翠微行行時坐幾忘歸暮昏一陣東風雨未竟通身

透濕衣 佛印元云體用全彰用不難當時為仰自相

護禪流若具金剛眼三換機鋒子細看 野軒傳云龍

生龍子聞全威霹靂聲中制雷電機雨過雲收何處去為

山千古獨巍巍 佛慧泉云體用俱非鳥飛兔走撼樹

默然天長地久二十拄杖令維嚴也是淺兒不覺醜

佛鑑勸云張公乍與李公友待罰李公一盃酒到被李

公罰一盃好手手中無好手

雲巖晟禪師一日煎茶次道吾問前與阿誰師云有一人

要吾云何不教伊自煎師云幸有某甲在

東山慧禪師因清田和尚一日與瑄上座煎茶次師取繩

牀三下瑄亦敲三下師云老僧敲有箇善巧上座敲有何

道理瑄云某甲敲有箇方便和尚敲作麼生師舉起盞子

瑄云三三三識眼應須恁麼煎茶了瑄却問和尚適來舉盞

子意在麼生師云不可更別有也

夾山會禪師一日普請次維那命佛日送茶日云某甲只

為佛法來不為送茶來那云和尚令請上座日云和尚尊

命即得日乃將茶去作務處見夾山遂撼茶碗作聲夾山

迴顧日云醜茶二五極意在鑿頭邊山云餅有傾茶勢盃

以目視之日云大衆鶴望乞師一言山云路逢死蛇莫打
殺無底籃子盛將歸日云手執夜明符幾箇知天曉山召
六衆云已有人也歸去來乃住普請

圓活動云爲佛法究自己須如佛日據祖位振宏綱要
似夾山明德下拄杖頭深山裏鑿頭邊豈不是龍象蹴
踏奇特大事耶還知落處麼他家自有青山在 金三母

策云明自己是峻嶽巖嶮崖頭別行活路轉龍蛇擒虎
兒毒藥叢中却與醍醐方能以函得蓋如芥投針此是
道合處山僧又作麼生塗中若遇貫休老莫使黃金鑿
子期

夾山一日喫茶了自烹一椀茶遇與侍者侍者接茶師乃
縮手云是其滋味者無對

蓬州致禮語問僧近離甚處云河北師云河北有箇趙州
和尚上座等到彼麼云某甲近離彼中師云趙州有何言
句示徒僧遂舉喫茶話師乃云慚愧却問僧趙州意在麼
住僧云只是一期方便師云苦哉趙州被爾將一杓屎潑
了也復打師却問沙彌爾作麼會沙彌便設拜師亦打其
僧往沙彌處問適來和尚打你作甚麼彌云若不是我和
尚不打某甲

雪竇顯云這僧元由匡廬將一杓屎潑他二頁古佛諸

上座若能辨得非唯趙睦二州雪屈亦乃雪竇真天下

老宿無過若道不得到處潑人屎未了在此

神山密禪師與洞山鋤茶園次洞山下鋤頭云我今日因
一點氣力也無師云若無氣力爭會與麼道洞云你將請

有氣力底是那師休去

漸源禪師在道吾為侍者一日過亦與吾吾接得在起
蓋子云是邪是正師又手近前視之吾云邪則總邪正則
總正師云某甲不恁麼吾云子作麼生師奪蓋子畏起云
是邪是正吾云以不謬為吾侍者師便禮拜

佛鑑勲云雖則師資道合邪正區分其奈躡過未提是
蓋子時事何也只為養子之緣是致老婆心切

雪峰存禪師因玄沙問招慶特來辦茶師云你且得上來
沙云應須與麼始得師云不是外物沙云內亦非師云是
是

欽山遂禪師游方時同雪峰巖頭憩一店上喫茶師云不
會轉身吐氣者不得茶喫頭云若恁麼我今日定不得茶

喫峰云某甲亦然師云這兩箇老漢話頭也不識頭云甚
麼處去來師云布袋裏老鴉雖活如死頭退後云看看師
云豁公且置存公作麼生峰作一圓相師云不得不問頭
笑云大遠生師云有口不得茶喫者多

佛鑑勲云欽山雖解轉身通氣亦未得茶喫分何也話
在

欽山與巖頭雪峰坐次洞山行茶來師乃閉目洞山云甚
麼處去也師云入定洞云定本無門從何而入

有老宿云大有人恁麼會 雪竇顯別云當時但指巖
頭雪峰云與這兩箇瞌睡漢茶喫

貞溪禪師有僧來參師豎起拂子云貞溪老漢還具眼麼
僧云某甲不敢見人過師云老僧死在闍黎手裏僧以手

指曾便出去師云闍黎參見先師來至晚師請其僧與茶
次僧拈起盞子云這箇是諸佛出世邊事作麼生是未出
世邊事師以手撥却盞子云到闍黎死在老僧手裏僧云
五里牌在郭門外師云無故惑亂師僧便起謝茶師云
特謝闍黎相訪

佛鑑勸云這兩箇漢一人如函一人如蓋雖然函蓋相
應總未有事在何謂楚鷄不是丹山鳳 大鴻智云門
裏有君子門外君子至這兩箇漢說葛藤猶較些子要
且未是格外之談良久云遇斯等人翻成毒藥

叢上座參百丈喫茶了丈云有事相借問得麼座云幸自
非言何須割空丈云與麼即許借問去也座云更請一甌
茶丈云收得安南又憂塞北座撥開曾云與麼與麼丈云

要且難構要且難構座云知即得知即得有僧舉似仰山
山云若人識此二人落處不妨奇特若辨不得大似日中
迷路

佛鑑勸云百丈獨坐大雄峰頂咳唾風生四方禪老望
崖而退因甚麼叢上座到來直得弓折箭盡

岳山章禪師在投子作柴頭投子一日送茶與師乃云森
羅萬象總在裏許師遂撥却茶云森羅萬象在甚麼處投
子云可惜一椀茶

明招謙云岳山接茶已前合下得箇甚麼語免得他道
可惜一盞茶乃自云放下著

王延彬太尉因到招慶煎茶次時朗上座與明招把銚忽
翻却茶銚尉見乃問上座茶爐下是甚麼朗云捧爐神尉

云既是捧爐神為甚麼翻却茶朗云事官千日失在一朝
尉拂袖便去明招云朗上座與却招慶飯了却向江外打
野裡朗云上座作麼生招云非人得其便

大鴻詰云王太尉大似相如奪璧怒髮衝冠明招也是
忍俊不禁難逢快便大鴻若做朗上座當時見問但呵
呵大笑何故見之不取千載難追 雪竇顯云當時任
踏倒茶爐又頌云來問若成風應機非善巧可悲獨眼
龍曾未呈牙爪牙爪開生雲雷逆水之波經幾回

玄沙偈禪師因雪峰遷化師為喪主三朝集眾煎茶次師
於靈前拈起一隻盞問大衆先師在日即且從你道如今
且作麼生道若道得即先師無過若道不得即過在先師
還有人道得麼如是三問眾皆無對師遂撲破盞子歸院

後問中塔作麼生會塔云先師有甚麼過師便面壁塔便
出去師復召塔回首師問你作麼生會塔便面壁師乃休
去

同安察禪師有僧為師煎茶師云甌耳綠茗爐熱白檀足
可以話道周圓僧云更請一甌茶師云其底求魚山上求
螺豈非愚哉僧叉手近前師云何不道取僧以目視之師
云卦是天門筭來五兆僧禮拜師云俊哉

圓悟勤云這僧前頭較些子後面直得合水和泥為甚
麼同安却道他俊哉還會麼引之令得住是法中

鼓山晏國師點茶次見僧來乃提起盞子云道得即與汝
茶喫僧無對

保寧勇代云今日和尚大施明開

雲門偃禪師因喫茶次云茶作麼生滋味僧云請和尚鑿師云鉢盂無底尋常事面上無鼻笑殺人僧無對師云趁隊噉飯漢師代云穩守是又代以茶便潑又云且待某甲點一椀茶

雲門在僧堂內喫茶問設茶僧云甚麼處安排僧指板頭云在這裏師云你更設一堂茶始得僧無對師代云近日錢難得又云小財不去大財不來又云上間下板頭

雲門因僧請喫湯次師云作麼生僧無對師云你問我僧便問師以湯滴云一滴落地萬神俱醉會麼僧云不會師云不會即禮拜著

雲門因摘茶次云摘茶辛苦置將一問來衆無對又云你若道不得且念上大人更不相當且順朱乃代云功不浪

施代前語云勞而無功又一日問僧甚麼處來云摘茶來師云人摘茶茶摘人僧無語師代云和尚道了某甲不可更道又問僧甚麼處來云摘茶來師云摘得幾箇達磨僧無語白代云新茶宜少喫又云因摘春茶不度功力

羅山閑禪師到泉州坦長老出路煎茶相接次坦自過茶與師師接得欲喫坦問作甚麼滋味師乃呷茶噴之坦無語師乃呵呵大笑

歷村禪師一日煎茶次僧問如何是祖師西來意師舉起茶匙子僧云莫這箇便當不師擲向火中

投子青頌云煎茶未了人來問拈起茶匙呈似他當初若遇收燕手性命難存爭奈何

智門罕禪師因爲北塔僧使點茶次師乃起自揖僧使近

上坐僧使云鷄子頭上爭敢安窠師云搗上不成龍隨後打一坐具僧使茶後近前云適來却成觸忤和尚師云江南杜禪客覓甚麼第二椀

雪竇顯禪師因中山主為師煎茶師問僧爾隨例喫茶將何報答僧云因風吹火師不肯自代云難為和尚復云還會麼云不會師云爾也煎一會茶始得

雪竇因普請次問僧甚處來云摘茶來師云茶園裏有玄沙見底還見麼師代但指露柱云和尚問又問一僧甚處來云摘茶來師云茶叢列作鼻孔茶葉是你眼睛作麼生摘師代云今日不著便

石門筠首座因僧請喫茶次僧問如何是首座一著子師云適來猶記得云即今又如何師云好坐喫茶來

櫻 手編草錄切又
先結切

法昌遇禪師因黃龍南禪師至人事喫茶了師乃云近日黃龍製得一般茶實為諸方未有南云那裏得這消息來師云勸君不用鑄頑石南云老老大大道聽途說師云爭奈公案現在南云這裏尋常如何造作師云老老大大說話也不照顧此子南云賴得左右無人師喚侍者更點一椀茶來下茶至南云若無造作這箇從甚麼處得來師便作潑茶勢南云這箇猶是和尚受用邊事利人事又作麼生師云遇臨濟則敲出骨髓逢德山則槌破腦門

法昌因摘茶次黃龍到師云請和尚為我看院我去巡一而便歸南云我亦隨後來看師放下籃子云來時將這箇來南云用這箇作麼師云你且道甚麼時曾少南提籃云爭奈這箇在我手裏師便行摘茶歸南云老漢摘茶不易

師拈拄杖云全得這箇力南云得這箇力事作麼生師乃
靠却拄杖

餘杭政禪師因九峰韶和尚退席來會下一夕將卧師使
人呼至云月色如此勞生擾擾對之者能幾韶唯唯而已
師呼童使熟炙韶意其必有藥石久之乃摘皮湯一杯耳

李後主為法眼致茶辨深明二座現諦

揚岐獻揚提刑茶信現諦 馬祖令人持茶與泐潭現諦

鏡清令童子點茶觀諦 法雲點茶茶瓢落地現諦

明教薑杏湯觀諦 雲門茶次問柴頭觀諦

香巖點茶與瀉山觀諦 睦州與同參喫茶觀諦

彊德二禪客煎茶觀諦 臨濟鋤茶觀諦

廓侍者德山浴出過茶觀諦

蔬菜

寒山因眾僧多茹次山乃將茄串向一僧背上打一下僧
回首山呈起茄串云是甚麼僧云這風顛漢山却向傍僧
云你道這箇師僧費却我多少鹽醋

水庵一云這僧功不浪施寒山驚蛇打草然雖恁麼未
免傍觀者哂

丹霞然禪師訪龐居士門前見女子靈照去洗菜師問居
士在不照放下菜籃斂手而立師又問居士在不照提起
籃而去師便回居士從外歸靈照舉似居士士云丹霞在
不照云已去也居士云赤土塗牛姪

大瀉詰云大小丹霞被居士女子勘破山僧當時若作
丹霞但與呵呵大笑待他問長老笑箇甚麼却尚道不

是冤家不聚頭 佛鑑勸云丹霞從苗辨地靈照因語
識人放下籃子當處發生提籃便行隨處滅盡居士赤
土塗牛姪堂堂裏敗揚州且道畢竟如何各自散去免
增話會 塗毒策云問在不在一等尋人放籃提籃風
流難掩最好丹霞便回去龐公猶自下金鈎還知這般
說話也無愁人莫向愁人說說向愁人愁殺人

上方益頌云露頭露面便相酬慣出人前不怕羞自是
奴奴肌骨好不施紅粉也風流白面郎白面郎從來門
戶恰相當可憐赤土塗牛姪打瓦鑽龜亂度量 妙高
臺主云丹霞一問女子斂手擬議之間烏飛兔走何人
證明庵中野叟赤土塗牛不說子醜 無礙居士云淡
薄衣裳取次粧放籃斂手自無良老龐猶更多愁在不

到奴奴泄漏香

歸宗常禪師因普請入園取菜乃畫一圓相圍却一株菜
以標插之豈自座大眾云轉不得動著每人下一轉語來
是時一眾各呈見解未嘗有契師以棒趁云這一隊漢無
一箇有智慧與却我多少菜不能與園頭出氣乃踏倒標
子拽著菜株而歸

杉山聖禪師因普請擇蔬菜次南泉拈起一莖云這箇大
好供養師云非但這箇百味珍羞他亦不顧泉云雖然如
是箇箇須嘗過始得

玄覺云是相見語不是相見語 翠巖芝云只如杉山
與麼道還有免得麼若免得去未具眼在若免得又
違前語 大慈云杉山只解高峰頂上立未能順物

大瀉即不然或有人問這箇大好供養只向他道新出物好喫

藥山儼禪師一日見園頭栽菜次師云我即不障汝栽莫教根生頭云既不教根生大衆喫甚麼師云汝還有口麼頭無對

崧山禪師與龐居士見寒僧擇菜次師云黃葉即去青葉即留士云不落青黃又作麼生師云道取好士云互爲賓主也大難師云却來此間強作主宰士云誰不與麼師云是是士云不落青黃就中難道師笑云也解與麼道士珍重大衆師云大衆放你落幾處

佛鑑勲云龐公當時若下得一轉語方得話圓且道下得箇甚麼語當時住道其申亦於長老蹉過處且道甚

處是他蹉過處諸人還點檢得出麼若點檢不出山僧更與你註破蹉過處甚分明無耳僧人子細聽但得白

雲消散盡夕陽斜照數峰青 大瀉智云當時見龐公

道不落青黃又作麼生崧山但自歸方丈衆中自有明眼鑑此話知麼良久云不落青黃道取好互爲賓主也

大難珍重衆僧山下去後回相見作何顏

黃檗運禪師因南泉問甚麼處去師云擇菜去矣二將甚麼擇師豎起刀子泉云汝只解作賓不解作主師以刀子點三下

黃龍新云積金百鍊本分鉗鎚往往今時師僧將黃檗南泉只作擇菜會却

趙州詭禪師僧問承聞和尚親見南泉是不師云鎮虎出

大蘿蔔頭

汾陽昭頌云因問當初得法緣不言東土及西天鎮州
 有菜名蘿蔔濟却飢瘡幾萬千 雪竇顯云鎮州出大
 蘿蔔天下衲僧取則只知自古自今爭辨烏白烏黑賊
 賊衲僧鼻孔曾拈得 保寧勇云鎮州蘿蔔天然別滿
 口明明說向人薄福闡提人不信一枚秤得二二斤
 海印信云陶潛彭澤唯栽柳潘岳河陽只種花何似晚
 來江上一望數峰蒼翠屬漁家 徑山杲云參見南泉王
 老師鎮州蘿蔔更無私拈來塞斷是非口雪曲陽春非
 楚詞

趙州問菜頭今日喫生菜熟菜頭提起一莖菜師云知恩
 者少負恩者多

夾山會禪師在瀉山作典座瀉問今日喫甚菜師云二年
 同一春瀉云如法修事者師云龍宿鳳巢瀉云在人家

大瀉詰云夾山雖逞家風美則美矣善則未善慧光即
 不然尋常茶飯隨家豐儉或有人問今日喫甚菜向
 道不是茄子便是菘菜如法修事者五味不少且道夾
 山是慧光是 智海逸云諸方盡道典座盡善盡美殊
 不知弄巧成拙薦福不然今日喫甚菜自炒菠稜者若
 法如法修事者自應諾諸禪德誠辨看若也辨得非惟
 此土舉世無雙任是香積門中遠他第

投子青頌云相逢借問衆僧糜莫比庵園香飯施空菜
 夜隨丹鳳轉金龍曉纏月中枝 正覺逸云變生為熟
 逐時新好是二年同一春龍宿鳳巢輕奮意調和味塞

口多人 大洪預云雨過龍庭苔藓潤芝英金殿燭初
紅宮姬雅奏昇平曲林外虛勞視聽功

雲巖最禪師因鋤薑次道吾問只鋤得這箇還鋤得那箇
麼師云將那箇來

睢州蹤禪師僧問以一重去一重即不問不以一重云一
重時如何師云昨日我茄子今朝種冬瓜

靈隱遠云問者善問不解答者善答不解問山僧今
日向飢鷹爪下奪肉猛虎口裏橫身為你諸人說箇樣

子登壇道士羽衣輕呪力雖窮法轉新拙指破關天地
暗蛇頭顛落鬼神驚

普化禪師因喫生菜次臨濟云這漢大似一頭驢師便作
驢鳴濟云直歲與他細抹草料師云少室人不識金陵又

再來臨濟一隻眼到處為人開

趙州云何不與他本分草料

上方益頌云草裏相逢兩赤眉交鋒一陣疾如飛東西
旌號渾相似試問何人得勝歸 徑山杲云先師會裏

呈真處臨濟堂前喫菜時連此三回露柱索咄這公臺
盤乞兒

投子同禪師問僧父響疎山薑頭莫便是不信無對
法眼代云響重和尚日父

雪峰存禪師與巖頭欽山自湘中入江南至新吳山之下
欽山濯足潤側見采葉而喜指以謂二人云此山必有道
人可公流尋之師志云汝智眼不濁他日如何辨人彼不
惜福如此住山何為哉

老宿僧問竟方歸去來食我家園甚先何是家園甚老宿無對

玄覺代云是亦食不得 法澄別云汚却你口

雲門偃禪師因入厨問菜頭云鍋裏多少茄子僧無對師云你問我與你道僧便問師云消不得白代云一桶又代後云云是

隆壽御禪師侍雪峰行次見風吹羊葉動峰指示之師云某甲甚生怕怖峰云是你屋裏事怕箇甚麼師乃次言下有省

南院顯禪師問園頭斝子開花也未頭云開花已久師云還著子也無頭云昨夜遭霜一師云大眾喫箇甚麼因頭擬議師便打

石門蘊禪師在青林作園頭一日林問今日作甚麼師云種菜林云徧界是佛身子向甚麼處種師云金鋤纔動土靈苗在處生林次日入園喚蘊聞黎師應諾林云刺我無影樹留與後人看師云若是無影樹豈受我林云不受哉且止汝曾見他枝葉麼師云不曾見林云既不曾見豈知不受哉師云祇為不見所以道不受我林云如是如是六愚交禪師示衆云大家相聚喫箇甚麼師作一箇箭入地獄如箭射

應庵云云好語要且無來處有人辨得出與你一兩金
松源云頌云殺活全機觀面提大家相聚喫箇甚麼後云
不省這箇意只管忙忙打野槌

靈雲散聖因智明寬問到來數日且喜安樂師云云云云云

竟盡竟云你作這箇去就來誰云王字不著與誰云拈筆
六矣

洞山聰禪師僧問他日若有人問洞山宗旨教學人如何
塞似師云園蔬枯槁甚楷水潑波菱

雪竇顯禪師一日遊園次問僧苦瓠連根苦否師云苦
明得箇甚麼邊事僧無對師代云平出

智門藎高不生根觀彌

婆子偷趙州三語

趙州因衆僧擇菜叫救火規

禪宗頌卷第十八

110X
7
19